

永新縣志卷十四

學校志

學制

大成殿

東廡

西廡

祭器庫

崇聖祠

明倫堂

尊經閣

原為具文閣

名宦祠

鄉賢祠

忠孝義烈祠

貞節祠

櫺星門

戟門

泮池

教諭廨

訓導廨

廟典位次

大成殿正位

至聖先師孔子

永新縣志

卷十四

學校志 學制 一

東配

復聖顏子

述聖子思子

西配

宗聖曾子

亞聖孟子

東哲

先賢閔子

先賢冉子

先賢端木子



先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄒單

先賢罕父黑

永新縣志

卷十四

學校志 學師 三

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

先賢琴張

先賢步叔乘

先賢秦非

先賢顏喲

先賢顏何

先賢縣直

先賢牧皮

先賢樂克正

先賢萬章

先賢周敦頤

先賢程顥

永新縣志

先賢邵雍

西廡先賢

先賢遽瑗

先賢澹臺滅明

先賢宓不齊

先賢公冶長

先賢公皙哀

先賢高柴

先賢樊須

先賢商澤

卷十四

學校志

十四

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

永新縣志

先賢奚容蒧

先賢顏祖

先賢句井疆

先賢秦祖

先賢縣成

先賢公祖句茲

先賢燕伋

先賢樂歆

先賢狹黑

先賢孔忠

卷十四

學校志

學制

五

先賢公西蒧

先賢顏之僕

先賢施之常

先賢申棧

先賢左邶明

先賢秦冉

先賢公明儀

先賢公都子

先賢公孫丑

先賢張載

永新縣志

先賢程頤

東廡先儒

先儒公羊高

先儒伏勝

先儒毛亨

先儒孔安國

先儒后蒼

先儒鄭康成

先儒范甯

先儒陸贄

卷十四

先儒范仲淹

先儒歐陽修

先儒司馬光

先儒謝良佐

先儒羅從彥

先儒李綱

先儒張栻

先儒陸九淵

先儒陳澧

先儒真德秀

永新縣志

先儒何基

先儒文天祥

先儒趙復

先儒金履祥

先儒陳澧

先儒方孝孺

先儒薛瑄

先儒胡居仁

先儒羅欽順

先儒呂柟

卷十四

學校志

學制

七

先儒劉宗周

先儒孫奇逢

先儒張履祥

先儒陸隴其

西廡先儒

先儒穀梁赤

先儒高堂生

先儒董仲舒

先儒毛萇

先儒杜子春

永新縣志

先儒諸葛亮

先儒王通

先儒韓愈

先儒胡瑗

先儒韓琦

先儒楊時

先儒尹焞

先儒胡安國

先儒李侗

先儒呂祖謙

卷十四

學校志

學制

八



先儒袁燮

先儒黃榘

先儒蔡沈

先儒魏了翁

先儒王柏

先儒陸秀夫

先儒許衡

先儒吳澄

先儒許謙

先儒曹端

永新縣志

卷十四

學校志 學制 九

先儒陳獻章

先儒蔡清

先儒王守仁

先儒昌坤

先儒黃道周

先儒湯武

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

東配

先賢孔氏孟皮

先賢顏氏路

先賢孔氏鯉

西配

先賢曾氏點

先賢孟孫氏

東廡

永新縣志

卷十四

學校志

學制

十

先儒周輔成

先儒程珦

先儒蔡元定

西廡

先儒張迪

先儒朱松

春秋二祭儀注歲春秋仲月上丁日致祭先期致齋二日

丁祭前一日知縣率僚屬至明倫堂觀演樂習儀畢更朝服至先師廟前丹墀行三跪九叩首禮與鼓樂前導至省牲亭香案前獻爵奠酒三揖宰牲取血執事生捧送各廟祠供奉知縣率僚屬至先師廟丹墀教諭至崇聖祠俱候諸生安奉畢各一揖退祭日鷄初鳴知縣率僚屬等官齊集明倫堂更朝服先詣崇聖祠致祭畢陰陽官鳴鼓三通起樂禮生引眾官至

先師廟丹墀文東武西排班立唱執事生各執其事陳設正獻官就位分獻官就位陪祭官各就位瘞毛血迎神樂奏昭平之章眾官皆三跪九叩首興奠帛行初獻禮樂奏宣平之章贊引正

永新縣志

卷十四

學校志 學制 十一

獻官詣盥洗所盥洗進巾詣酒罇所司罇者舉罇酌酒引正獻官詣至聖先師孔子神位前跪上香三獻帛獻爵三叩首興詣讀祝位跪眾官皆跪讀祝生以正貢跪讀祝文畢眾官皆三叩首興引正獻官以次謁四配神位前跪各上香三獻帛獻爵三叩首興復位行分獻禮贊引教諭訓導謁東西哲神位前引丞尉謁東西廡神位前跪各上香三獻帛獻爵三叩首興皆復位行亞獻禮樂奏秩平之章引正獻官詣

先師位前跪獻爵三叩首興謁四配前跪各獻爵三叩首興復位贊引教諭訓導謁東西哲引丞尉謁東西兩廡跪各獻爵三叩首興復位行終獻禮樂奏敘平之章贊引正獻暨分獻各官行

禮俱與亞獻同眾官復位贊引正獻官詣飲福位跪眾官皆跪  
飲福受胙叩首興復位謝福胙各官俱行三叩首禮興徹饌樂  
奏懿平之章各官俱行三跪九叩首禮送神樂奏德平之章讀  
祝者捧祝司帛者捧帛各詣燎所望燎禮畢眾官退執事生皆  
退

祭品 牛一豕一羊一籩豆各十帛一登一鉶一簠簋各二酒  
尊三爵三香燭酒黍稷梁鹽榛芡棗栗韭蒲菁苴醢醢兔醢  
鹿鹽麇魚鹿脯

祝辭 乾隆九年頒

維年月日某官致祭於

永新縣志

卷十四

學校志 學制 十二

至聖先師孔子曰惟

先師德隆乎聖道冠百王揭日月以常行自生民所未有屬

文教昌明之會正禮節樂和之時辟雍鐘鼓咸恪薦於馨香泮水

膠庠益致巖於遷豆茲當仲春祇率彝章肅展微忱聿將祀典

配以復聖顏子宗聖曾子述聖子思子亞聖孟子尙饗

崇聖祠 知縣正獻  
教職分獻

祭日鷄初鳴知縣等官朝服齊集祠下起樂執事生各執其事

陳設正獻官就位分獻官各就位瘞毛血迎神眾官皆三跪九

叩首興奠帛行初獻禮贊引正獻官詣盥洗所盥洗進巾詣

五王神位前跪上香三獻帛獻爵二叩首興詣讀祝位跪眾官皆

跪讀祝生跪讀祝文畢眾官叩首興復位行分獻禮贊引分獻  
官詣東西配東西廡神位前跪各上香三獻帛獻爵三叩首興  
復位行亞獻禮引正獻官詣

五王神位前跪獻爵三叩首興復位引分獻官詣東西配東西廡  
跪各獻爵三叩首興復位行終獻禮贊引正獻官暨分獻官行  
禮俱與亞獻同復位徹饌送神眾官三跪九叩首興讀祝者捧  
祝司帛者捧帛各詣燎所望燎禮畢退班執事生皆退  
祭品 豕一羊一籩豆各八帛一登一釧一簠簋各二

祝辭 乾隆九年頒

維年月日某官致祭於

永新縣志

卷十四

學校志 學制 十三

崇聖祠曰維

王奔葉鍾祥光開聖緒盛德之後積久彌昌凡聲教所覃敷率循  
源而溯本宜肅明禋之典用中守土之忱茲屆仲春肅修祀事  
配以先賢顏氏先賢曾氏先賢孔氏先賢孟孫氏尙饗

祭器

瓷爵三 白色

錫登一

錫釧二

錫簠二

錫簋二

竹籩十

木豆十

酒樽一

敬古犧樽一  
新增

象樽一

山樽一

壺樽一

著樽一

壘樽一

大樽一

銅龍杓一  
繡龍幕六  
俎盤連桌

木祝版二木祝以下另置  
銅毛血盆二  
錫盥盆一

錫毛沙池二  
瓷毛血碟十六  
鐵燎爐二

木高照二  
木燭臺二十五  
瓷香爐二十五

銅杓八  
供桌二  
綢圍八

桌圍十八

樂器

麾幡二用紅緞八尺兩面繪金龍一繪升龍以起樂一繪降龍以止樂

琴六  
瑟二  
編磬十六共一架

特磬二  
編鐘十六共二層  
特鐘一

永新縣志 卷十四 學校志 學制 十四

搏拊二  
應鼓一  
鼉鼓一

門鼓一  
祝一  
敔一

笙六  
洞簫六  
龍笛六

篪二  
鳳簫二  
塤二

笏版六  
外置備用鼓架五  
鼓傘一

琴桌六

樂章

春祭夾鍾為宮倍應鍾起調

迎神 昭平之章

大伋哉侃孔伋子伍先伋覺止先伍知侃與侃天依地伍參伍

萬伏世仕之伍師伍祥伍徵伍麟伍紱伍韻伍答伍金伍絲伍  
日伏月伏既伏揭伍乾伏坤伏清伏夷伏

初獻 宣平之章

予伏懷伏明伏德伍玉伍振伏金伏聲伍生伏民伏未伍有伍  
展伏也伏大伍成伍俎伍豆伍千伏古伍春伍秋伏上伍丁伏  
清伏酒伍既伏載伏其伏香伏始伏升伏

亞獻 秩平之章

式伏禮伏莫伏愆伍升伍堂伍再伏獻伏響伍協伍鼓伏鏞伏  
誠伍孚伍鬯伍獻伏肅伍肅伍雍伏雍伏譽伏髦伏斯伍彥伏  
禮伍陶伍樂伏淑伏相伍觀伏而伏善伏

水新縣志

卷十四

學校志 學制 十五

終獻 敘平之章

自伏古伏在伍昔伏先伍民伍有伏作伏皮伍弁伍祭伏菜伏  
於伍論伍斯伏樂伏惟伍天伍牖伏民伍惟伏聖伍時伏若伏  
彝伍倫伍攸伍敘伏至伍今伍木伏鐸伏

徹饌 懿平之章

先伏師伏有伏言伍祭伏則伍受伏福伍四伏海伏黷伍宮伍  
疇伏敢伏不伏肅伏禮伍成伍告伏徹伍毋伏疏伏毋伏瀆伏  
樂伍所伍自伏生伏中伍原伍有伏菽伏

送神 德平之章

晃伏釋伏我伏我伍洙伍泗伏洋伏洋伏景伍行伍行伍止伏

流化澤化無化疆化聿化昭化祀化事化祀化事化孔化明化  
化化我化伍化蒸化民化育化我化膠化庠化

秋祭南呂爲宮仲呂起調

迎神 昭平之章

大化哉化孔化子化先化覺化先化知化與化天化地化參化  
萬化世化之化師化祥化徵化麟化紱化韻化簪化金化絲化  
日化月化既化揭化乾化坤化清化夷化

初獻 宣平之章

予化懷化明化德化玉化振化金化聲化生化民化未化有化  
展化也化大化成化俎化豆化千化古化春化秋化上化丁化

永新縣志

卷十四

學校志 學制 十六

清化酒化既化載化其化香化始化升化

亞獻 秩平之章

式化禮化莫化愆化升化堂化再化獻化響化協化鼗化鏞化  
誠化孚化壘化獻化肅化肅化雍化雍化譽化髦化斯化彥化  
禮化陶化樂化淑化相化觀化而化善化

終獻 敘平之章

自化古化在化昔化先化民化有化作化皮化弁化祭化菜化  
於化論化斯化樂化惟化天化備化牖化民化惟化聖化時化若化  
彝化倫化攸化敘化至化今化木化鐸化

徹饌 懿平之章



先帝師也 有在言 祭也 則也 受也 福也 四也 海也 蠻也 宮也  
疇也 敢也 不也 肅也 禮也 成也 告也 徹也 母也 疏也 母也 瀆也  
樂也 所也 自也 生也 申也 原也 有也 菽也

送神 德平之章

鳧也 繹也 義也 義也 洙也 泗也 洋也 洋也 景也 行也 行也 止也  
流也 澤也 無也 疆也 肆也 昭也 祀也 事也 祀也 事也 孔也 明也  
化也 我 伏 蒸 伏 民 伏 育 伏 我 伏 膠 伏 庠 伏

舞法

正立羽籥植 擡身作向內勢內足勾後面轉向外籥指內  
羽植如十字 明正立兩手微拱羽籥如十字 德正立籥植

永新縣志

卷十四

學校志 學制 十七

近肩羽平衡如十字 玉向西首微側右足進前籥平指羽斜

舉 擡身俯向東西轉向西兩手伸出羽籥斜交 奎正而微

蹲籥斜舉羽植 聲向內身俯兩足並羽籥植地 在向外兩

足並籥植羽倒指內少垂 民內向籥斜指羽植 未正立面

外兩手相並推向內羽籥植 有正立籥手舉過肩羽植 展

內向兩足並籥內指羽植 也外向面仰兩手推出羽籥斜舉

大身微向外兩手推向外羽籥並植 成正面身微蹲羽籥如

十字 相向內身俯內足進前籥斜指下羽植 豆向外籥下

垂右手伸出羽植 正正立籥斜舉羽植 百身微向外羽籥

偏外如十字 春正面身微蹲籥植過肩羽平額交如十字

秋 內向兩手伸出羽籥植 正 正立籥平衡羽植籥上 丁 正

立籥植居中羽衡籥上 清 內向兩足並籥內指羽植如十字

酒 身俯向外外足進前趾向上羽籥斜交 正 正立籥平衡羽

斜指東 正 正立身俯籥平衡羽居中植籥上 正 正立左手

伸出籥斜舉羽植近左肩 正 正而左足虛立籥衡膝上羽植

正 正立俯首羽籥如十字 正 正立兩手高拱過額羽籥如

十字

正 正面身微蹲兩手並羽籥植 內 內向內足虛立籥斜倚膝

羽植 外 外向身微俯面微仰籥高舉斜指外羽植 內 內向

起內足兩手並推向外羽籥植 正 正立羽籥如十字 堂 正

永新縣志

卷十四

學校志 學制 十八

回右足勾後兩手高舉羽籥斜交 身 身微蹲面向東籥植近

肩羽衡膝上 身 身微蹲面向西羽植近肩籥衡膝上 響 正

立羽籥向下斜交 協 正面身向外內足進前內趾虛立羽籥

並植 正 正面身向外內足進前外趾虛立羽籥並植 正

立籥植羽倒指東 誠 身俯向西面側向東籥平指如十字

正 正立首微俯羽籥植 正 正面起左足籥高舉羽植 正

立籥植過肩羽平額交如十字 內 內向首微俯兩足並羽籥

如十字 俯 身偏外起外足羽籥如十字 雅 正立兩手伸

出羽籥並植 內 內向籥斜指內羽植籥上 響 正立籥平舉

右手微伸出羽植 正 正立左手伸出籥平舉羽植透左肩

**斯** 正面起右足羽交舉籥植 **彥** 正立籥植居中羽衡籥下

**禮** 身微向東右足進前羽斜倚肩籥平指東 **陶** 正面身作向

東勢兩手高舉羽籥推向東並植 **樂** 身微向西左足進前籥

倚肩羽平指西 **淑** 正西身作向西勢兩手高舉羽籥推向前

植 **相** 正立羽籥交斜 **觀** 仰面向內兩足並羽籥如十字

**麗** 正面身微向東籥下垂羽倚肩 **善** 身俯面微仰向內抱內

膝羽籥斜交如十字

**言** 正立籥下垂羽植 **嚮** 向外身俯兩足並羽籥斜交 **在** 正

面身微蹲兩手推向內羽籥植 **曾** 外向起外足羽籥植 **先**

正面右足交於左羽籥如十字 **良** 向西身俯左足進前籥下

永新縣志

卷十四

學校志 學制 十九

垂羽植地 **有** 向東身俯右足進前籥下垂羽植地 **侏** 正立

籥平衡羽植居右如十字 **皮** 正面左足勾後籥斜舉過肩羽

植 **弟** 正面屈右足左足伸出趾向上籥平舉羽植居中 **祭**

正面屈右足羽籥偏左如十字 **菜** 正立身俯羽籥地 **於** 內

向兩手相並羽籥斜指內 **論** 正面身作向外勢兩手高舉羽

籥交偏外 **思** 向內身俯起內足籥衡斜羽植 **樂** 正立籥下

垂衡斜羽植籥上 **通** 正面屈左足羽籥偏右如十字 **天** 正

面屈左足右足伸出趾向上籥下垂衡斜羽斜舉過肩 **牖** 正

立羽籥向右斜倚肩 **民** 正立羽籥向左斜倚肩 **唯** 正立籥

平衡羽高舉 **聖** 仰面向籥平指羽植如十字 **時** 外向籥平

指外羽植如十字 **一**正立身俯羽籥如十字 **二**外向籥平  
 指外羽植 **三**正立羽籥偏內如十字 **四**正立身俯籥斜植  
 地羽植 **五**正立兩手相交羽籥並植 **六**正面屈左足羽籥  
 如十字 **七**正面屈雙足籥平衡羽植居右 **八**正面屈雙足  
 羽籥植 **九**俯首至地羽籥如十字

名宦祠記

陳省躬 李元清 元 絳 郭奉世

張繼阮 王、輝 曹 裕 田 盛

烏斯道 於仲寬 柯 暹 薛 驥

宋 佳 胡 偉 陸 祭 龔錫爵

永新縣志 卷十四

學校志 學制 二十一

余懋衡 陳 圭 薛敷政 陳 璵

侯峒曾 黃進瀨 高 璜 白 璜

共二十四人

一每歲春秋仲月丁祭日致祭

名宦祠祭器祀儀俱同羣祀

祝文

維 公宦遊西江勳名蓋世澤在禾川遺思弗替某等忝職茲  
 邦恭值禋祭牲帛告虔神其臨蒞景仰芳徽益增愧厲

鄉賢祠祀

蕭 儼 周 彬 劉 沅 左慶延

左 譽 歐陽良 張 鋼 胡幼黃

彭震龍 張履翁 劉友益 賀 善

龍仁夫 馮真翁 姚正叔 賀仲善

賀仲英 賀守約 吳 勤 劉 髦

左興兒 劉定之 蕭 翼 左 鼎

李 鈞 劉 敷 馬 聰 馬 鉉

尹 爽 尹 袞 尹 襄 李 儼

賀世采 尹 臺 甘公亮 史 詡

劉朝壘 甘 雨 龍文明 周文謨

顏 鐸 劉 載 尹先覺 賀申男

永新縣志 卷十四 學校志 學制 二十一

賀康載 賀存莊 尹學孔 劉 運

劉作樑 蕭香寶 周斯琰 李 森

共五十二人

一每歲春秋仲月丁祭日致祭

鄉賢祠祭品祀儀悉如名宦祠

祝文

維 公兩間淑氣挺秀禾源惟忠惟孝廉節高騫垂芳志乘樹

範里門 某等恭逢 春秋仲潔治壺尊靈其戾止鑒此蘋蘩

忠義孝弟祠祀

賀 泰 左 譽 彭震龍 蕭燾夫

張履翁

賀仲英

姚正叔

張志

湯德明

左興兒

劉景洪

劉綸

劉琚

共十三人

通邑歷朝忠臣義士孝子附享

一每歲春秋仲月丁祭日致祭

忠義孝弟祠祭品祀儀悉如名宦鄉賢祠

祝文

維 靈稟賦貞純躬行篤實忠誠奮發貫金石而不渝義聞宣

昭表鄉閭而共式祇事懋彝倫之大性摯我蒿克恭念天顯之

親情殷棣萼模楷咸推夫懿德綸恩特闡其幽光祠宇維隆歲

木新縣志

卷十四

學校志

學制

二十二

時式祀用陳尊簋來格几筵

節孝祠祀

段母吳媛

彭九萬妻李氏

左幼白妻龍氏

危元貞妻李氏

江繼文妻劉氏

李宗輔妻歐陽氏

李惕妻劉氏

劉持妻陳氏

張邦載妻尹氏

共九人

通邑歷朝旌表節孝附享

一每歲春秋仲月丁祭日致祭

節孝祠祭品祀儀悉如名宦鄉賢祠

祝文

維 靈純心皎潔令德柔嘉矢志完貞表閨中之亮節竭誠致

樹影園內之芳型茹冰蘖而彌堅清操自厲奉盤匱而罔懈篤  
孝傳徽絲綸特沛乎

殊恩祠宇昭垂於今典祇循歲祀式薦尊醪

永新縣志

卷十四

學校志 學制

二十三

學額附

邑原額為中學入學文生員十二名武生十名廩膳增廣各二十  
缺康熙間舉人劉之藩等公稟邑令張景齡詳請上憲題陞大  
學每人學文生員十五名武生十名廩膳增廣皆如舊新增

乾隆八年分文生員額三名分武生額二名廩膳增廣各三缺歸  
蓮花廳學乾隆志

同治三年闔邑捐軍餉銀八萬九千兩增永遠文武生員各八名  
八年邑紳吳世脩捐餉銀壹萬兩增永遠文武生員各一名新增

學田附

萬歷四年丙子知縣龔錫爵捐置學田百七十石有奇邑人劉朝

永新縣志

卷十四

學校志

學額

又二十三

聖記萬歷志

記云夫學之有田也猶庶幾先王遺意與先王制井田養天下  
之民而取公田什一之人以為公家之祿自卿大夫至於士皆  
得而食之今其詳雖不可考然士修其學待上之舉用欲養之  
使有成固不得以耕奪其業也是故士之等不一而皆得食於  
公家斯先王致多士之效有繇然矣後世養士之制無聞而先  
王教士之法亦廢其敝豈一日之積哉我國家養士於學校其  
材業之有成者既有廩餼以優之然士之來者日眾所食拘於  
定額其不能皆周亦勢也於是做公田之意而為學田之置  
者蓋自宋已稱盛所謂庶幾先王遺意非邪然今天下郡邑之



有學田其因承久遠非可一人爲之者也吾邑學舊無田有田  
創自今石巖龔侯始侯令予邑旦望進諸生於學宮推明古六  
德六行六藝導之以經術以考其實亦甚勤矣間與諸博士鄉  
大夫慨然於古今之際以爲今養士以廩餼既有所拘弗能周  
士之遺於所養蓋多矣夫士誦法孔子孟固不期上之養而後思  
奮勉於學獨所謂資富能訓上之責果安在哉是吾所不敢朝  
夕懈者於是斥金售田伯七十石有奇畀之學惟士之賢以見  
於貧而隳其學者甚衆非必所食之難其婚喪俯仰固累之過  
半今舉夫聘弗能婚喪弗能葬歲祲弗能爲養者則量其田入  
之多寡以施之其施之無以周周之無以徧則埃後之師帥是

永新縣志

卷十四

學校志

學田

二十四

邦者必有慕義以興所謂非一人可爲者吾特爲之倡焉爾凡  
司是田者無以食先事無以利先義則厥成克永濟嗚呼觀公  
之所措畫其愛維於士也厚義結於士也深而又必人人皆同  
己之所欲爲則其教而養之豈獨在田云爾哉抑有勸之道焉  
夫士之於學猶農之於田也農者始而種中而耨卒而穫期稼  
之足以饗其食也然使所播非嘉穀而雜以莠稗蒿艾則雖終  
歲勤動其能使食之爲吾文乎先王三物之教士之嘉穀也欲  
種之使豐其本耨之使蕃其實舍是則奚適矣今士或輕德行  
而重科第忽禮樂而工文辭是知嘉穀之可食而不知莠稗蒿  
艾之當去豈所以爲士之學哉侯之言曰無以食先事無以利

先義其示勸固已存也諸士自今游歌於學其必以性情爲膏  
壤以德行道藝爲嘉穀以致知力行爲耕耨而又鋤異端之莠  
稗芟功利之蒿艾則窮而爲顏孟之德業達而爲稷契之事功  
是皆能豐其本蕃其實於侯之田者也先王之教不幡然大行  
於茲學之士乎夫侯以先王遺意養士固期士以先王之道自  
養也予故因侯之間記不揆其無文樂以此爲諸生告焉萬歷  
乙亥冬十有二月

乾隆二十九年甲午邑人尹臣斌尹梅之伯母吳氏捐糧田二石  
陸斗三升陸合計租四百八十八桶爲生員歲科獎賞鄉試卷

費酌魁花紅資

吉安廬志

永新縣志

卷十四

學校志 學田

二十五

乾隆四十年邑紳尹文廣捐置祭器樂器式與府學同

吉安廬志

嗣歲

久敝壞無存

道光二十三年邑紳劉夢朱復捐置祭器咸豐五年燬於兵

新增

二十四年邑紳劉夢朱又捐店房一所歲租爲學官葺治費

新增

咸豐十一年邑紳蕭夢樑捐田三百巴計糧壹石五斗

田坐東鄉沽溪新墾

咸豐十一年邑紳劉詩選捐田租壹百桶

田坐東鄉沽溪新墾

永新縣志卷十四

學校志

書院

元

屏山書院在縣南山下邑人劉南可建聚徒授學通志

明

東華書院嘉靖間知縣徐衍祚撤東華觀爲之採鄒東廓集補

小學嘉靖十年有制通行建小學久未成壬戌知縣郭天祿以四

相祠故址改建萬曆志

崇正書院知縣朱賢以城北淫祠數聚眾喧鬧申請巡按御史吳

新縣志

卷十四

學校志 書院 一

遵吳命毀祠改建崇正書院因財絀弛役尙書尹臺乃斥金六

十兩售朱氏居址於鳳尾湖澳創建臺自爲記萬曆志

記云往邑大夫江浦朱侯賢既治郊關之氓閔淫祠而擾比厘

者抵法遂以其事聞之巡按御史吳公遵吳公報牒命邑撤祠

改立崇正書院以作士意在屏邪閑正導民使知方也適其時

邑有徙學之役已相其祠故敞陋而迫囂溷不稱學者居息吏

因之弛役歷今二十五年矣比歲郡諸邑士並倡講會興正

學所在重書院之建士爭相濯磨其效彬彬著盛而吾邑獨絀

焉莫之興舉矜佩歎以爲恥余聞之緬然久慨中矣頃自建業

歸偶循邑北郊西步升眺普光之麓降觀朱氏故址在鳳尾湖

澳者後枕旂竿群嶺之峻前揖義巽諸峯之特岡支委蛇宛復相環湖水渟澈瀦而後洩殆一方秀壤也乃捐秩金數鎰售之以爲是足使學者安業樂羣也邑書院擇建宜莫有善焉者顧謀之同志使協眾成構既難而自度己力圖任是尤不易於是始欲樽縮歲耕之入累黍而儲之意數年或可少成茲願乃上冬之季始召工謀之爰度材治埴卜日之良鳩眾經紀築構之事定其規式前治橫屋爲崇正書院之門中建廣宇爲知本堂後殿重室爲欽止樓凡樹棟三總其楹十有五左右周以步廊繚以翼閣使一邑士眾講會周旋其間雍容揖讓因可復見三代威儀其切磋相長之益固當有輔學校所不及者非直著觀

永新縣志

卷十四

學校志 書院 二

美侈文具焉耳越數月告成乃復議斥田百石并故所買址旁之池一晦有奇畀之書院歲輪二人主其入以待士之遠近來聚者佐其供需而凡會規一視安成復真復古二書院故式將白之有司上聞之大吏圖可久行勿壞俾遺之世世噫抑勤甚也已於是邑士友咸來欣集以爲昔悼講會廢舍麗澤無所於資不期今得所稱遂將非吾黨之共幸與謂余不可無言開示名堂與樓之義以告學者令出入知所持循不忒所嚮往余不敢讓遂爲之言曰崇正乃士之常語其義若可忽也然始學者苟善反而力求之則有終身不能窮其指歸者焉今士所誦法六經語孟固皆聖人微言然舉其近人而易入者莫過大學一

書夫明德新民止至善大學綱領既粲然矣乃其條目先始未有舍格物而能造其極者古今訓格必兼至也正也二義士童而莫不知誦之何明其義以有之身心雖白粉不一聞見邪物理本出吾人之性有冲漠無朕萬象森然已具其初何嘗有不正者惟不能實致其力以至之則推之事爲往往失其正而不自知非世之所同患乎古易稱正其本萬事理失之毫釐差以千里以大學示格物之要必先知本其曰此謂知本此謂知之至也義固深切著明則今之言格物以致其知者舍知本何適矣故欲崇吾性所有之德使出之順應不失物理之正其要必自知本始斯格物之首要達之知意心身極乎家國天下之大

永新縣志

卷十四

學校志 書院 三

一以貫之者也故揭以知本則學之先始辨矣而至乎物理之正以日崇廣吾之德業極而效法乎天地上下與之參合聖人之能事畢焉要其終始之相成一敬以持之而已故表以欽止則知本之全功以備自虞廷精一執中之傳以訖孔門求仁之訓莫之有遺焉者矣易稱知至至之知終終之則所謂知本欽止者固存乎學者之心悟其說非一言之可竟究也吾黨之士尙默識以自勗修從事大學先要進求孔門終始全功不煩口說之外騰焉斯可庶幾聖人之徒也已矣

明

院萬曆間知縣余懋衡相舊黌宮隙地建延名儒劉元卿

講學於此鄒元標有記採存真集補

記云禾川余侯嘉與邑人士屺勉明德吉郡諸縉紳先生知學者侯皆禮而致之丁酉春予始獲偕諸長老同盟至是日簪裾雲集歌咏盈野盛矣會罷各克然有得謂昔興文館僻而不便來學請更諸爽塏者侯乃以舊黉宮隙地新闢公館者分其一請於當道當道報曰可顏曰明新書院侯意蓋曰當茲大明盛際真儒輩出一洗俗學而我新民復獲聞所未聞有不爭自濯磨以耀於光明者非夫也從茲愈明愈新寢昌寢盛上遡列聖之傳邇繼劉甘尹顏鄉先達名儒遺風處爲純儒良民出爲蓋臣弼士茲吾司牧者屬望爾新人士深意乎侯乃以書問記鄒子鄒子茫無以應侯屬之堅鄒子非不欲言吉學之難言久矣

永新縣志

卷十四

學校志

書院

四

譚學於寡見渺聞之地則惶然聽久之瞿然顧化譚學於吉譬之海遊者歸而詫巨海奇觀於江濱之叟叟執其河以爲常拒而不信忘其海之大者蓋嘗論先儒誘人入道偶施筏以渡迷津而宋儒曰體認天理致知格物明儒曰主靜曰致良知皆欲人由筏登岸非謂筏卽岸也吾吉在宋諸儒無論我明自新建一倡良知傳誦十室而九叩其所謂良知不過曰知是知非而已卽有深造者曰胸中炯炯是已今而詰之曰何以明何以新不過曰不昧良知而已嗚呼彼方自以爲是吾以爲非則必與吾角其不入宜也不知知是知非識而非知也炯炯不昧生而復滅也夫懸象著明孰踰二曜而萬物新故相因生者生化者

化造物之明與新如是詩人欲形容不可得但曰於穆不已不  
已者是何物乎諸君欲自明自新知所以明與新者又何物耶  
吾即欲以口語之倘未語則無聞矣吾即欲以手示之倘未示  
則無見矣夫理由色顯是假借也機由人發非真修也真修者  
不以有人而作不以無人而輟不以獨而隱不以顯而彰有人  
於此身苦凍凜望火室止足焉雖寒有濟然所止已去寒凜依  
然故凡有所假借於外於人者是望火室而熱非自明與新者  
也能知萬物皆我反身而誠身承千古之緒而不墮言識者有  
其人乎某將下拜心師之矣姑記以俟知者某生平困衡學無  
駐足自知甚晰然生平不敢逐隊良知影譚以眯心并以眯人

永新縣志

卷十四

學校志 書院 五

聊述崖畧如此諸君豈無禪元標之明且新者乎侯以學爲政  
即明即新即明身且有之復捐俸置學田若干另勒碑陰  
茲特載其大者侯名懋衡字持國婺源人壬辰進士

文行書院在縣學候雲閣前崇禎七年知縣管正傳建

採禾川  
書補

國朝

趙邑侯書院在城東護國院左知縣趙作霖建雍正間知院朱懷  
斌改爲

上諭亭

採禾川  
書補

秋山書院康熙四十一年知縣張士琦建聘臨川李穆堂先生爲  
山長集生徒晨夕講學多所成就刊有秋山課藝行世張有示

張示云夫治化之行端由於風俗風俗之本權在於師儒苟上無以倡之而欲化行俗美文教旁敷揆諸古昔實罔攸聞吉安理學之邦節義文章震耀天壤越在永新未讓他邑前後文安勳業爛然水窗山農儒行孤高仰邇舊人良可欽慕慨自文運中微加之兵燹子衿茂草怒焉傷之道喪文敝歷有歲年達者稀作甚或脫科揆厥所由咎將安在方今

文治昌明東漸西被朔南訖暨此鄉僻遠尙有缺如嚮風雖眾扞罔時聞僅持繩法操切相加化本既失亦甚非在上之所安也本縣採覽文風騁妍抽秘不乏佳章然或理純則筆滯才放則

永新縣志

卷四

學校志 書院 六

法疎心源未濬頗嘆廢泉腹笥不充或譏茅葦前賢未遠芳躅宜追用是酌定時月攷課較其進益別裁去取以示激揚特闢講堂敦延名宿示以周行不迷所往將使風氣日上古學重興大道昭明人知禮義夫言者心之聲也文以載道道明而心以正斯文未喪與有聞焉依之歲月更倣胡安定經義治事等齋遺意講求經濟實用上助

國家菁莪棫樸之化以紹前休而啓後學區區固陋卽不比於蠶叢魚鳧茫然開闢庶幾希風吾鄉陸管諸賢中興此地實有厚望焉

禾山書院在縣學明倫堂右乾隆八年癸亥知縣王瀚率合邑士



民建顏曰永新義學自爲記二十年乙亥知縣沈希賢增堂室  
兩楹郡伯王銘琮更名禾山書院知縣高琦有記後圯今以其  
址改建貞孝節烈祠 泰吉安廬也

王瀚記畧云今天下郡邑有學豈身有容濟內之士凡德性醇  
懿博古通今者莫不膺此弓旌加之職位是以大法小廉共勳  
盛治猗歟休哉取才之政善矣而儲才之政猶有待於芻蕘之  
陳者則小學未立之故也予嘗因賢聖之遺言而竊思其制目  
止出於洒掃應對而不鄙其卑年必限以八歲十五而不虞其  
執日有所游夜有所息質美者不敢以涉獵勦襲賂倖進之譏  
中材亦得以循序漸進冀觀成之效九載之後無足與於論秀

永新縣志

卷四

學校志 書院 七

書升之列者亦得乘時受田優游井閭焉是誠聖學端蒙養而  
養賢育才之道亦於是乎在然則大學小學何嘗不一以貫之  
哉予待罪禾川禾之地舊有崇正書院在城北隅爲明先達尹  
臺倡建燬於兵百餘年不能復乾隆六年予始至邑人士以其  
所裁司訓學舍舊時基址可建義學且謂前令士琦張公延名  
宿開秋山書院一時多所成就四十年來風教未替斯舉誠有  
益於地方不可不亟行之於是各謀捐費就其地而庀材鳩工  
經始於乾隆八年之十一月初八日落成於乾隆九年五月之  
初十日棟宇恢崇齋寮備具是役也倡始經營國學生龍益寬  
賀昂登之力實多旣竣二生告予求記因慨然曰日新之謂盛

德富有之謂大業大學綱領自新新民小學豈能外是吾願入  
是學者本之誠以祛其詐本之敬以束其肆本之仁以化其私  
本之義以鋤其貪由日新以至又日無不新焉新彌永而道斯  
宏學斯至矣甯獨禾山一邑之光哉顏之曰永新義學并誌予  
之所欲言從盧志刪本

高琦記云永新舊有崇正書院明季燬於兵

國初縣令張君士琦延名宿開講秋山書院一時多所成就後  
亦廢乾隆八年王君瀚來令斯邑倡率士民復立永新義學於  
明倫堂右二十年沈君希賢增建堂宇兩楹齋寮畢具二十五  
年前府王公銘琮顏曰禾山書院院有田有山歲入租三兩餘

永新縣志

卷四

學校志

書院

八

沈君慮膏火無資集眾勸捐一千有奇唐君廷樾踵其事催繳  
隨收隨支仍歸烏有旋以事去而捐者遂不復繳向之所謂橫  
經習禮於斯今則闕其無人矣歲癸巳予承乏茲邑將欲選士  
庶子弟以克生徒延學行可爲師範者教之邑人士來述經費  
無出狀予欲謀之無逮也值今郡憲盧公修吉安郡志我邑紳  
士樂捐修郡志外以二百金新校士館七白金爲禾山書院膏  
火資貢生陳生元龍汪生於江生員劉生光津國學尹生懷德  
廷然等復以田來助於是昔之謀諸心者今幸可以見諸事矣  
國家需賢以圖治邑令又有爲國家育才之責未有不思與學  
校而克臻風俗之美人才之盛者也予雖不敏敢不加意於斯

今既捐有成數自當立定章程爲經久計先記數言泐諸石以垂不朽

秀水書院在縣治西北其地有秀水縈繞因名道光九年己丑知縣武穆溥諭邑紳勸捐創建明年庚寅知縣鄭長昕接篆始成之自爲記清泉譚鵬霄并記二十九年戊申知縣侯功超復諭邑紳勸捐置產善後自爲記

採秀水書院志增

鄭記云新邑舊有禾山書院在縣署之左廨宇庳狹膏脩匱乏道光九年前令武君小谷先生仿東鄉縣例示諭分勸院舍及助金滿百設尙義祠上主一座十有一月二日集鄉紳公銓首事卜基於城西北隅迺審厥形繪以圖不數日率作興事大綱

永新縣志

卷十四

學校志 書院

九

具舉是武君之良法美意亦斯邑風俗之厚也嗣武君調任信豐十一年秋予奉檄宰禾陽寓豫章城適武君謁余敘倡建書院之由恨見基之肇而不及觀成焉余蒞任時首事等來告構院功竣脯資未備乞余董其成余曰振興文教有司之職亦余所深願者旋詣其地桃李陰翳鳴鳥上下城市中有山林景象前挹義巽諸峯之奇後枕旂竿羣嶺之勝左則泉湧聰明右則潭泓忠義門前水環如帶繇西南入城潏洄若秀字流北而洩原號爲秀水卜址於斯洵勝境也乃由石橋入其門瞥見規模宏敞榱桷輝煌中連三進兩旁十有六齋齋各六間前後巖室門宇壹是器械完繕約費不下萬金余顧而樂之顏其院曰秀

水因地志勝也榜其堂曰麗澤以其爲講習所也左右齋寮悉  
據四子微言以題其額亦各有取爾也是月也余延集邑人士  
迅捐貲以置店房田畝永備脩脯膏火之資徐考取肄業諸生  
於次年春延師開館余弗獲重獎按月望後一課給萬錢爲之  
助諸生角藝論文彬彬乎而日上是武君小谷之志抑諸紳士  
力也因喜爲之記道光十一年辛卯臘月

譚記云秀水書院者由禾山而改建者也禾山近縣署而秀水  
則倚城北其地最爲爽塏道光九年己丑邑人士相陰陽定基  
址庀材鳩工越三載辛卯落成焉中構麗澤堂大居正也講經  
於斯課文亦於斯前棟爲頭門左右有房後則山長退休之所

永新縣志

卷十四

學校志 書院

十

兩旁橫舍各四計十有六齋齋各一廳五室諸生習復其中而  
齋夫厨灶間房分列八橫舍前後不相蔽擲外又繞以垣墉整  
齊宏敞從頭門而出有水自西來流入院東達於河卽所謂秀  
水者也虹橋跨水上兩邊登以石欄南行左折闢轅門以界內  
外約費金萬有餘千旣葺事乃合留餘之金竝禾山舊院徵租  
立簿記載衆首事更番經紀闕逢敦牂之歲余膺春泉王大令  
聘主講是邑聚諸生而告之曰女亦知麗澤之說乎兩澤相麗  
其象爲兌朋友講習孔子大象言之浚儀王氏詮兌字則謂兌  
之說無言說以誠也朋友講習貫之以誠聖功之要在是矣今  
夫人之爲學由知而入由行而至講多則義理明習久則踐履



至今衡湘人士猶頌劉公表章書院之芳徽焉劉公爲永新人其餘風深被于梓里故永新之書院尤盛秀水書院者閭邑造士地也自咸豐五年燬于髮寇至九年江右肅清而周君芝山韓君聰甫先後泚篆勸捐修葺然後講堂齋舍煥然復其舊觀余以壬申春承乏茲土嘗于月課而周覽之見其地勢雅曠規模整齊洵足爲藏修息游勝境董事諸君矚縷巔末索余作記夫書院之形制麗澤之名義鄭譚舊序揚摧精詳余復何以文爲雖然書院者一邑首善之區也課士者邑宰宣化之要也審儒術以助吏治予又何能以不文辭予聞三代盛時自成均辟雍以及州閭族黨莫不有學俾民間俊秀羣萃遊於其中以六

永新縣志

卷十四

學校志 書院

十二

藝六儀爲小學之條目以六德六行爲大學之綱領讀曲禮少儀學記諸篇而古人明體達用之學釐然具備故其時卷阿歌其鳳翹泮水化其鴟音士習隆而民風厚則惟學校之陶育居多逮乎春秋以降賦子矜者貽譏佻達則放蕩之習開而士風一變遊鄉校者競談執政則橫議之習開而士風一變由是歷漢唐以迄元明士習之純駁悉關風俗之隆汙有訓士之責者其振興之莫不由於先行而後文其弛壞之莫不由於崇華而隳實其較然也

皇朝聖聖相承雅化覃敷中命各省府縣建立書院以廣學校之

所不及而又酌發帑金以資膏火並以

欽定卧碑及

御製訓飭士子文頒發宣講其所以養士之恩教士之法至周且詳薄海內外冠儒冠服儒服者相與砥礪濯磨於里塾鄉序之地而大清之文教炳然與三代同風况永新壤連吳楚實為吉郡與區鍾靈孕秀代產名材迄今覽後隆之山挹聰明之泉必將有追踪劉楚公以紹三元而媿四相者行見秀水書院直與江之鹿洞湘之嶽麓石鼓同彰前後之美盛矣豈不懿歟時同治十三年甲戌夏月

院制

永新縣志

卷十四

學校志

書院

十三

麗澤堂

居安齋

逢原齋

慎思齋

明辨齋

致知齋

格物齋

今改為報功祠

正心齋

今改為報功祠

誠意齋

博學齋

審問齋

深造齋

自得齋

游藝齋

據德齋

志道齋

依仁齋

石橋

門樓

兩旁爨舍及四圍垣墻

社學附

宋

義學邑人曾若川建徵五經名儒主教四方來學者前後近千人

見耄史隱逸傳

國朝

義峰書院在橫江市距縣三里東福六十三都賢七十二都北近六十三都之吳姓共建

崇義書院在山田距縣十里東六十四都建

龍江書院在夏陽江背距縣三十里東六十九都建

興賢書院在長嶺距縣十五里東七十一都建

振興書院在長嶺距縣八里東福七十二都建

聚秀義塾在萬泉距縣三十里南鄉明御史李儼倡建集社中士人講學於此 國朝嘉慶八年癸亥修葺教諭張沅瀾有記

張記云古者里有塾塾有師積二十五家爲一里里之中士敦詩書民崇禮教是以風俗淳厚倫紀昭明雖閭巷之民莫不有

永新縣志

卷十四

學校志

書院

十四

士君子之行何其盛歟予自秉鐸禾陽與禾之士陶淑於秀水聰明間者有年率經明行修爭自濯磨仰副

聖天子作人雅化薰陶士類至意比來禾之南距縣治二十四五里許每歲冬至前後有以課文盈百卷投者而注聚秀義塾詢之則賀士絢龍中潤李家楫吳大珖輩踵前明侍御李南屏先生遺績而爲之者也侍御以明嘉靖間致仕歸與里之賢達擇燕閒地創屋數十楹聚子弟之秀者講學焉額其名曰聚秀義塾頽廢百餘年矣諸君子於嘉慶癸亥謀諸長者而新之工既竣捐田若干爲會文諸費予雖未至其地而其勤於課藝平奇濃淡各能自出機杼非苟爲炳炳烺烺者揭榜後諸俊秀來謁



又率出入風雅彬彬有度行之僅三四年而見賞於宗工哲匠  
拔入鄉校者歲科相屬未必非激勸之力也抑予更有進焉家  
塾黨序之設其非詞章之謂其爲明體達用爲有猷有守有爲  
之實學也禾川爲吉屬文章節義彪炳前史生於是者當思處  
爲醅儒他日立朝爲名臣臨民爲良吏俾休聲美譽與鄉先達  
蔚乎相望又以聚族而居日與講明乎敦倫飭紀之大力敦乎  
睦姻任卹之誼雍雍藹藹和氣薰蒸風俗之厚安見今或異於  
古所云耶噫嘻盛哉微前賢之推誠樂育安能使流風遺韻到  
今未艾微後起之殫心善繼安能使一片荒墟復還舊觀正韓  
子所謂莫爲之前雖美而不彰莫爲之後雖盛而不傳者也若

永新縣志

卷十四

學校志

書院

十五

夫及時葺理恒如一日俾人材日盛風化旁流則又後之君子  
以爲分內事無庸贅焉嘉慶八年癸亥冬月

文洲書院在發關市文洲距縣里許南五十八都建

四教書院在大山坪距縣三十里南五十四五十五五十六五十七  
四都共建

聯珠書院在澧田市距縣二十五里十一十二十三十四十五五  
都共建知縣王惠寶有記

崇賢書院在潞江距縣五十里西上九都共建

聚奎書院在石市距縣六十里西上五都共建

心田書院在北六都田心距縣二十里六都公建

松山書院在北七都琥溪距四十里北七都建

相鄉書院在北六都楊橋距縣廿五里北鄉公建中三棟旁建報

功祠其齋舍各姓捐造

育賢書院在北七十都樂義園公建以上俱新增

永新縣志

卷十四

學校志

書院

十六